

**NI 22 JANUARY 2014-A SAIKUTI HALL, LUNGLEI-A HUAIHAWT VANTLANG
INKHAWMA KALKHAWM MIPUITEN LUNGLEI-TLABUNG-KAWRPUICHHUAH
KAWNG PWD TEN THUAMTHAT TUMA HMA AN LAK MEK CHHUNGCHANGA AN
NGAIHDANTE, AN HRIATCHIAN DUH LAITE ZAWHNA LEH RAWTNA AN SIAMTE
LEH PROJECT NEITU (PWD)-TE CHHANNA KIMCHANG**

S/N	ZAWTTU/SAWITU HMING LEH KHUA	ZAWHNA/NGAIHDAN/HRI ATCHIAN DUH/RAWTNA	PROJECT NEITU (PWD) CHHANNA
1	Pu Santosh Ranjan Tuichawng Khua	Hnathawkte riahbuk: Kawnglai huna hnathawktu chenna tur camp hi department lam hotute nen vantlang ram inbiak rem sa vek a ni tawh a. Power Point Presentation-ah khan Tuichawng khuaa hnathawktu camp awmna tur engmah a lang si lova. Hei hi enge a awmzia?	Power Point- presentation-a hnathawktu tur camp tarlan bakah hian contractor te'n engemawzat chu camp te nau an larawn siam belh a ngaih a rinawm a. Kawng lai tur contractor kan thlan fel hunah kan larawn chhinchhiah (earmark) fel dawn nia.
2	Pu J.Lalchhuana Lungsen Khua	Lungsen khaw tuihna tihchhiat: Lungsena kan tui pump chhuahna hnuai 'Thianga vau tui' hi a kang kan hlauh em avangin V.C, Y.M.A leh K.T.Pte'n thingphun hnatlang kan nei thin a. Kawng kal ta se engtin nge nghawng a neih ang. Engtin nge min siam that sak ang?	He tuihna chhe tur hi a tihthat leh theih dan ang ber tur kan ngaihtuah ang. Tuihna tih chhiat tur ang chi chu a siamthat dan tur chu chiangzawkin kan la en anga, kawnglai avanga pipeline chhia siamthat te, a her rem leh theih dan tur kan ngaihtuah ang.
3	Pu Lalramliana Sazaikawn Khua	RCC Building tihchhiat: Kan huan hi kawnglai hunah hian lak hek a ni dawn a, a ko a sangin lungte pawh hal a ngai dawn a. Helai hmunah hian RCC building cheng nuaih 14 vel lai sengin kan sa mek a, kawnglai hunah he ka in sak lai hian a tuar thei dawn em? A tichhe thei a ngem?	I RCC building kawnglaihin a tihchhiat theih dawn leh dawn loh chungchangah chuan contractor te nen la en ho tur a ni ang. Tin, Lung hal hunah controlled blasting hman a ni dawn a, hetiang lama mithiam te'n an vil reng dawn bawk a, hlauhthawnawm a awm a rin awm loh.
4	Pu J.Pahnuna Chanmari Veng, Lunglei	Leivung paihna hmun: Civil Hospital liam Tlabung kawngah hian hmunhka ka nei ve a. Kawnglai huna leivung paihna tur in ruahman fel tawh em? Ka ram hi leivung paih nan ka phal a ni.	Kawnglai hunah hian leivung tamtak a awm dawn avangin a paihna tur hmun duhtawk a awm thei lo va, i huana leivung paih i phal chuan department lam chu kan lawm em em ang. Tin, hmundang hrim hrimah

			pawh vantlang field a ni emaw mimal ram a ni emaw leivung paih na hmun atana phal in awm chuan kanrawn paih thei reng a ni.
5	Pu Chawngdingliana Hauruang Khua	Bawlhhlawh paihdan/mipui atanga sawiselna: Envirenmental Clearance (EC) hi sawrkar laipui atang hian Department hian nei ngei se tih hi ka duhsakna a ni. Ka'n zawh duh bik chu kawnglaih hunah hian a hnathawkte pawh hian bawlhhlawh zun leh ek thli bakah land pollution te a awm thei dawn niin a lang a. Hemi chungchangah hian Department lam hian ruahmanna felfai tak in nei em? Tin, ruahman ang bak thiltihchhiat a awm thei a, sawi leh selna a awm chuan department in in ngaipawimawh dawn em? Khawi hmuna nge complaint hi kan thelhu ang?	Kawnglaih hunah hian hnathawk engemaw zat an awm dawn a. An chenna tur hi Contract Documentation-ah hian telh vek a ni a. Inthiarna pawh mumal contractor te hian an siamsak a ngai dawn a. Hemi chungchang hi chu Contractor te nen kan la sawi ho dawn nia. Kawnglaih hunah hian sawi leh selna a awm chuan Grievances Redressal Committee (GRC) din a ni dawna, an hnenah hian complaint a thelhu theih dawn a ni. Tin, GRC member-ah hian Village Council member te leh NGO hrang hrang aiawh te pawh telh an ni dawn a ni.
6	Pu B. Rinthanga Tlabung Khua	Zangnadawmna: Kawnglaih hian inhmun lo ram a tichhe teuh dawn a, zangnadawmna dawn tur rate hi a hriat theih em? Periodic Pata leh LSC rate hi a in ang em? Zangnadawmna rate hi hriat kan va duh ve.	Zangnadawmna chungchang hi chu Special Land Acquisition Officer (SLAO) te kutah dah a ni a. An ni hian a tul angin hma anrawn la mek a, a thawk rim hle nghe nghe a, tihfel a nih thuai theih nan theitawp an chhuah mek a ni.
7	Pu Lalhmunmawia Phairuangkai Khua:	Zangnadawmna: Phairuangkai hi motor kawng hian a paltlang dawn a. Lei atanga in paruk (6)-na chin piah lam zawng a khaw tawp thlengin in leh lo chan mai thei tur vek kan ni a, kan rilru pawh a buai hle a ni. Kawng hi kaltlang se kan ti em em na chungin kan in leh lo hlutzawng chhutin zangnadawmna hi engzah nge min pek theih ang? Kan in leh lo sak dan hi inang lo tak tak RCC, Assam Type, Maurap In te an ni hlawm a, a hlutzawng chu a inan a rinawm loh. Department lam pawhin anrawn endik tawh a, kawngkapui engzat nge awm? Ventilation engzat nge awm? tih thlengin an	Zangnadawmna chungchang hi tunah chhutchhuah mek a ni a. Tun dinhmuna chuan kan chhang Chiang thei lova, Aizawla SLAO Office-ah an khawih mek a ni. Phairuangkai khua in leh lo chan turte chu Land Acquisition Act hmangin a rate chhut a ni dawn a. Land Revenue & Settlement Department in Periodic pata, VC pass leh LSC hlutzawng an chhut dan angin sawrkar rate anga hmalak a ni dawn a ni. Tin, sawrkar atanga LSC dik tak neite phei chu compensation bakah tanpuina dang pawh dawn theih a ni dawn bawka ni.

		<p>rawn enfiah tawh a, kei ngei pawhin ka inah kawngkapui pakua (9) ka nei a ni. Engzat chiah nge zangnadawmna hi kan hmun dawn tih kan hre duh a ni.</p>	
8.	<p>Pu C. Kapkima Lunglawn, Lunglei</p>	<p>Kangmei leh leimin laka invenna: Kan chenna Lunglawn hi kawngpuiin a tantlang tur chungah kan awm pheii zui mai a, fimkhur taka hna in thawh kan ring a. Thal laiah chuan kangmei hian min tibuai fova, kangmei vendan hi ruahmanna min neihpui thei u la. Zawhna nipah fawmin kawnglaih a nih chuan leimin a hlauhawm thei dawn a. Leimin leh kangmei venna tur hmalakna emaw ruahmanna emaw a awm em? Engtin nge in kalpui tih ka hre duh a ni.</p>	<p>Lunghal chungchangah chuan fimkhur leh uluk zawka hnathawh a ni ang. Tin, thal laia kangmei awm ziah chu a vendan tngaihtuahna thar kan lo seng ang a, kan theihtawpin hma kan lo la ang. Tin, kawng kalin an hal leh ngawt thin hi kan sim theih nan VC leh NGO te leh mipui vantlang te kan tanho a ngai dawn a ni.</p>
9	<p>Pu Lalbiakmawia Phairuangkai Khua</p>	<p>Phairuang khua eizawna a nghawng dan tur: Phairuang khua a awmte eizawna ber chu luidung khu a ni a. Luidung venna lam hi ruahmanna a awm thei em? Tin, thing leh mau chhia te hi engtia tihral tur nge? A ramchhunga mite tana tangkai takin sem theih a ni dawn em?</p>	<p>Leihlawn a awm dawn a, lui kama eizawna tichhelo thei ang bera hnathawh tum a ni. Thing leh mau chhe tur hi chhinchhiah vek a ni a. A ram neitu hnenah a tul angin zangnadawmna pek a ni vek dawn a ni. Tin, kawngpui bul zawng zawng hi mimal ram vek a ni a, thing leh mau te erawh hi chu vantlang tan hman tangkai a harsat a rinawm.</p>
10	<p>Pu Santosh Ranjan Tuichawng Khua</p>	<p>Hnathawkte riahbuk: A hmaa ka zawhna kha min chhang chiang chiah lova, Labour camp hi Technical report-ah khan kan khuaah awm tur angin a lang ve lova, , Er Pi Matlani'n in tel min ti si a, hei hi enge a awmzia?</p>	<p>Kha mi chungchangah kha chuan Department atanga survey rawn neitu Er. Matlani vawiin ah a rawn tel thei lova, amaherawhchu, in hnena a sawi chu a dik a, kan pawm e.</p>
11	<p>Pu Lalhmingliana Sailo Vice President, V.C.</p>	<p>Kawng kal dan her danglam: Damdawiin kawt, kawngkual tur khu min ennawn sak ula,</p>	<p>Kawng laih hunah hian kawng hi a zau dawn si a, kan drawing design hi World</p>

	Court, Tlabung Khua	thlanglama in pakhat leh PWD quarter thiatin, SLO quarter tichhe loin min her rem sak thei a ngen? Chutiang a nih chu kawng kual lai chu a zau thei zawk dawn si a.	Bank lam hotute'n uluk takin min endik sak tawh hnu a ni a. Engpawh ni se laih hmaw emaw laih laiin tihdanglam theih dan a awm em tih kan lo enchiang dawn nia.
12	Pu H. Lalthanpuia Phairuankai Khua	In tihchhiat tur chhinchhiah hmaih: Kawng teh a nih lai khan road map angin rawn teh a ni a. A pawng lai a mi a tihchhiat tur bulah hian a ip laia mi kawng laih huna chhe tel ve tur kan a awm zeuh zeuh si a. Mahse heng ho hi zangnadawmna pek tur zingah an tel ve lova. Kawng laih huna tuartu tur an ni ve tho si a. Chung ho chu kawnglah hmaw teh that leh a, telh ve leh theih a ni a ngen? An tuar thlawndawn tihna a ni a. Chuvangin he thil hi min chinfel sak thei a ngen?	Tuna in zawhna kha Land Acquisition kaihnnawih thil a ni a. A group group-a enfiah niin NGO leh V.C. pawhin an tawiam thin a, Phairuankai khua bikah chuan hmaw palh a awm a nih chuan a sawi hun lai tak a ni ang. In zawng zawng drawing-ah a lang thei lo. Hemichungchang hi chu SLAO lam kan lo hriattir anga, a tuldan a zirin telephone pawhin kan lo be pawp nghal dawn nia. <i># Hetianga hmaw palh an awm leh awm loh in V.C. te'n an hriatpui em? tih hi an khaw V.C te kan zawt let ve nghal a ni e.</i> Phairuang V.C chhanna.: <i>Kan hriatpui e. In 4 emaw in 5 emaw vel an awm.</i>
13	Pu J. Lalchhuana Lungsen Khua	Lungsen khaw tui harsatna: Lungsen khua hi tui harsatna a ni a. Kan khaw bul lawkah kawng tha tak kal se la, thing leh mau nasa taka tihchereu a nih dawn avangin tui hi a harsat leh zual kan hlau em em a ni. Tui kan harsat avang hian Sorkar hnathawk pawh kan khuaah hian an awm tha duh lova, kawng laih a nih phei chuan tui harsatna hi a zual dawn si a, tuikawng tha takin min siamsak thei a ngen? Zo sairawkerh ang maia kan khaw hel a kawng awm tur hi a that bikna tur a awm em ni?Tui	Tui harsatna sukiang tur hian tui pipe siamthat bakah thing phun hi department hmalakna turah a tel a ni. Hmun dangah pawh ni se, thing pakhat tihchhiat chuan pahnih phun belh tur tih hi zawm hram kan tum dawn a ni. In tuihna tihchhiat tur siamthat leh dan tur chu ngaihtuahna seng tlang i la, nangni pawhin min finchhuaha thurawn te min pe turin kan ngen che u a. Tin, tuihna chhiat dan tur emaw leivung pah dan tur thlengin, harsatna sutkiandan tur thurawn awm thei reng reng

		harsatna kan tawh tur hi min sutkiansak theih chuan kan lawm em em ang.	lawm takin kan pawm e. Phone a sawiho pawh kan pawm a ni.
14	Pi Sangliani Hauruang Khua	Zangnadawmna: Ka in hi kawng leh kawng inkara awm a ni a, kawng laih a nih hunah ka in chu hmun thumah a hek dawn a, kan in khu engemawchen a tichhe tel dawn a. In leh lo chhe vek angin zangnadawmna min pe thei a ngem?	Hetiang lam hi chu SLAO Office kutah dah a ni a. In inhmun hi LSC dik tak a nih chuan sawrkar rate anga chhutin zangnadawmna hi pek in ni dawn a. Tarlan tawh angin LSC dik tak nei ho phei chu tanpuina dang pawh a awm thei dawn a ni.
15	Pi R. Lalenga Hauruang Khua	Tui leh kawlpheha: Kawnglahi hunah hian kan khaw chhunga tuikhur leh electric ban engemawzat tihchhiat a ni dawn si a, an siam that leh chhung hi hun engemaw ti lai a duh dawn si a, a siamthat chhung hian engtinge kan lo awm ang?	Hei hi a dikchiah a. Kawnglahi a nih reng reng hian a tihchhiat tur sutkian dan tur pawh ruahmanna fel tak siam a ni thin a. Electric ban te a tihchhiat dawn chuan a ban thar turte lo phun lawk a ngai a, rei lo thei ang ber a siamthat nan hian hun hman kan tum ang. Kawng laih avanga tui pipeline tihchhiat tur pawh a rang thei ang bera siam that a ni ang. Tin, Department leh contractor te'n an hmuhhmayh palh harsatna lo awm tur a awm a nih pawhin in finchhuahna kan mamawh reng dawn a ni.
16	Pu Lalbiakmawia Phairuangkai Khua	Tuilian laka invenna: Kawng laih a nih chuan kan in leh lote hian kawng thlanglam a nek a ngaih dawn avangin tuilian a hlauhawm dawn a. Tuilian laka invenna tur ruahmanna a awm ang em?	Kan lei dawh leh kan kawng laih hian Phairuang lui kuang hi a tizau sawt dawn a. Khuana duan sa tuikuang han tidanglam vek tur chuan a harsa hle dawn a. Amaherawh chu kan kawnglahi huna tihchhiat turah chuan a siamthatna atana hmalak ngei kan tum ang.
17	Pu Lalremtuanga Phairuangkai Khua	Mipuite fakselna thlenna tur: Nakinah a taka hma in lak hunah mi mawl te te ziak leh chhiar thiam lo te kan ni a. Kan ngaihkan ang lova thil a	Grievance Redressal Committee (GRC) hnenah engemaw hriatthiam loh emaw, in tihdan kan pawm lo ti in awm chuan sawiselna

		kal chuan khawiah nge sawiselna kan thlen ang?	thlen theih a ni dawn a. GRC hi DC emaw a aiawh Additional DC emaw Chairman-na hnuaiiah din a ni dawn a, khawtlang hruaitu hrang hrangte pawh telh an ni dawn a ni.
18	Pu Dala Lungsen Khua	Lungsen pa ngenna: Lungsen khua kawng char saah hian Tlabung kawng hi kal tir hram u la tih hi kan ngenna a ni. Kawng ngaia kawngpui siam hi a harsa viau em ni? Lungsen khaw hel zawnga kawng kal tura ruahmanna min siam sak leh kan tuitlan min tihkhawloh sak tur hi kan rilru a na a ni. Lungsen khua hi kawngpui hian min hel chuan harsatna tamtak kan nei dawn a, kawngpui kama awm hlut zia hrevektu kan ni si a.	Kawnglaih dawn hian kiltin chitin chitang thlir lawk a ngai a. Mipui harsatna a thlen dan turte, technical design-a a kawng kual dan turte, in leh lo leh environment a nghawng dan turte pawh ngaihtuah lawk vek a ni. Kawng a that chuan motor tlanchak lutk ringawt pawh hi nu nau tan a him lo thin a, state dangah phei chuan an khaw paltlanga kawngpui kal tur hi an duh ngai lo a ni. Tun ang laiah chuan mithiamte phei chuan motor khu leh bengchheng motor kawngah hian a nasat thin avangin kawng bulhnaia chen hi an duh lo hle a ni. Tin, Land Acquisition chungchang leh in leh lo a tihchhiat tam dan tur chungchangte pawh chhut tel sa vek niin hetiang ang hian ruahmanna siam a ni ta a ni.
19	Pu J. Lalnghaka Tlabung Khua	Zangnadawmna: Sawrkar rate-a zangnadawmna min pek hian in leh lo sak thatna tur a daih lo zel a. Private rate hi a tam deuh a, thil man to zelah in leh lo thiat tur tan Private Rate-in a chhut theih mai loh em mi?	He thu ah hi chuan Sawrkar order a awm a. Chutiang zulzui chuan kan kal a ngai a, private rate chu a leng lo a ni tih min hriatsak u la. Tin, tunhnai lawkah sawrkar rate thar a chhuak a, sawrkar sum pawh zangnadawmna atan hian tamtak hman a ngai dawn a ni.